

## CERTIFICACIÓN

**Rosa Ana Prada Queipo, secretaria xeral do Concello de Ames (A Coruña)**

**Certifico:** Que a Xunta de Goberno Local, en sesión ordinaria celebrada o día 06 de febreiro de 2025, adoptou, entre outros, o acordo que copiado é do teor literal seguinte:

**PUNTO TERCEIRO. APROBACIÓN DAS BASES E DA CONVOCATORIA DO III PREMIO INNOVAMES EMPRESAS INNOVADORAS 2025. EXPEDIENTE GD 1328/2025**

O Concello de Ames ven apostando nos últimos anos polo sector da innovación, froito disto pasou a ser no 2019 membro da Red Innpulso dependente do Ministerio de Ciencia e Innovación e desenvolveu diferentes actuacións neste eido como a posta en marcha do Coworking “A Proa” no polígono empresarial do Milladoiro ou o desenvolvemento do programa Innovames, entre outros.

Dentro do programa Innovames, o Concello de Ames convocou nos últimos dous anos os Premios Innovames Empresas Innovadoras co obxectivo de recoñecer, apoiar e dar visibilidade ás persoas emprendedoras e empresas máis innovadoras e con maior potencial de crecemento en Ames; proxectos con carácter innovador e de gran impacto social, tanto de recente creación como xa consolidadas.

Vendo a boa acollida de anos anteriores e con fin de continuar co apoio á innovación do sector empresarial no concello, óptase por convocar unha edición máis dos premios Innovames Empresas Innovadoras.

Figura no expediente informe proposta da concelleira delegada de area e da axente de emprego e desenvolvemento local (29.01.2025) ([CSV:15220IDOC28027822DF4A2C9439C](https://sede.concellodeames.gal/CSV:15220IDOC28027822DF4A2C9439C))

Figura no expediente informe de procedemento de Secretaría ([CSV:15220IDOC28509B4B7E6CA1249A5](https://sede.concellodeames.gal/CSV:15220IDOC28509B4B7E6CA1249A5)) e informe de fiscalización favorable da Intervención municipal (informe 40/2025 do 04.02.2025) ([CSV:15220IDOC240491A0CC53D7A4BB1](https://sede.concellodeames.gal/CSV:15220IDOC240491A0CC53D7A4BB1))

Por todo o que antecede, a Xunta de Goberno Local previa delegación do alcalde ( decreto 1983/2023, BOP 120 do 26.06.2023) por unanimidade dos seus membros presentes adopta os seguintes acordos:

**Primeiro.** Aprobar a convocatoria e as bases do III PREMIO INNOVAMES EMPRESAS INNOVADORAS 2025, e que figuran como anexo deste acordo.

**Segundo.** Autorizar o gasto por importe de 4.500,00 euros con cargo á aplicación orzamentaria 4314.47905 do orzamento vixente.

**Terceiro.** Publicar a convocatoria seguindo o procedemento establecido no artigo 20.8 da Lei 38/2003, de 17 de novembro, Xeral de Subvención (LXS), a través do envío do extracto da convocatoria á Base Nacional de Subvencións (BNS) para a súa remisión ao BOP. As bases

publicaranse integramente na páxina web do Concello de Ames.

**Cuarto.** Dar traslado do presente acordo aos departamentos municipais afectados aos efectos oportunos.

**Quinto.** Facultar ao alcalde do Concello de Ames para cantas actuacións de trámite sexan precisas para a mellor execución do acordado.

## ANEXO

### **BASES DO “III PREMIO INNOVAMES EMPRESAS INNOVADORAS 2025”**

|                                |                                                                                                                                                                                                                                                         |
|--------------------------------|---------------------------------------------------------------------------------------------------------------------------------------------------------------------------------------------------------------------------------------------------------|
| <b>Concellaría</b>             | Promoción económica                                                                                                                                                                                                                                     |
| <b>Anualidade</b>              | 2025                                                                                                                                                                                                                                                    |
| <b>Denominación</b>            | III PREMIO INNOVAMES EMPRESAS INNOVADORAS 2025                                                                                                                                                                                                          |
| <b>Beneficiarios</b>           | Persoas emprendedoras e empresas máis innovadoras e con maior potencial de crecemento en Ames que teñan o seu domicilio social e fiscal en Ames                                                                                                         |
| <b>Aplicación orzamentaria</b> | 4314.47905                                                                                                                                                                                                                                              |
| <b>Importe da convocatoria</b> | 4.500,00 €                                                                                                                                                                                                                                              |
| <b>Importe dos premios</b>     | <ul style="list-style-type: none"><li>• Premio Innovames á Empresa + Innovadora ou Empresa con Maior Impacto Social 2.000 €</li><li>• Premio Innovames á Empresa de Nova Creación (inferior a 3 anos) con alto potencial de crecemento 2.500€</li></ul> |

## EXPOSICIÓN DE MOTIVOS

O concello de Ames convoca a edición dos “III Premios Innovames Empresas Innovadoras 2025” co obxectivo de recoñecer, apoiar e dar visibilidade ás persoas emprendedoras e empresas máis innovadoras e con maior potencial de crecemento en Ames; proxectos con carácter innovador e de gran impacto social, tanto de recente creación como xa consolidadas, que contribúan aos Obxectivos de Desenvolvemento Sostible (ODS) marcados polas Nacións Unidas, aquelas utilicen as novas tecnoloxías nos seus procesos ou procedementos, así como aquelas que aposten pola globalización.

## PRIMEIRA.- OBXECTO E FINALIDADE DA CONVOCATORIA

### OBXECTIVOS ESTRATÉXICOS, OU DE PRIMEIRO NIVEL.

A concellaría de Promoción Económica a través da presente convocatoria, propónse a consecución dos seguintes obxectivos estratéxicos:

1. Achegar o mundo da innovación amesán á cidadanía
2. Colaborar como nexo de unión entre a cidadanía e as empresas de innovación
3. O fomento da colaboración entre as empresas dos amieses que motiven a creación de proxectos innovadores en conxunto.

### OBXECTIVOS INSTRUMENTAIS, OU DE SEGUNDO NIVEL.

Para a consecución dos obxectivos estratéxicos, establécense as seguintes liñas de actuación, ou obxectivos secundarios:

- a) Primar actividades innovadoras dentro do tecido empresarial de Ames

- b) *Fomentar a formación en innovación como valor engadido ao tecido empresarial de Ames*

Con esta iniciativa preténdese:

- a) *Identificar, recoñecer e apoiar ás empresas con maior impacto económico e social, cun alto compoñente de innovación e creatividade, con potencial de crecemento e xeración de emprego estable.*
- b) *Potenciar e favorecer as alianzas entre emprendedores e entidades, institucións e organismos, tanto a nivel provincial como rexional, vinculados ao mundo da creación de empresas e a innovación.*
- c) *Recoñecer os proxectos cuxa iniciativa emprendedora, contribuíu de maneira notable ao desenvolvemento da actividade económica.*
- d) *Fomentar a iniciativa emprendedora e impulsar a transformación de ideas de negocio e proxectos en empresas reais.*
- e) *Colaborar nos programas, recursos e servizos que os distintos axentes do ecosistema de emprendemento de Galicia ofrecen aos emprendedores, para desta forma favorecer a creación de empresas, a competitividade, o crecemento e o impulso da nosa economía.*

## **SEGUNDA.- REQUISITOS DAS PERSOAS PARTICIPANTES.**

Poderán participar as empresas de calquera sector económico, con carácter innovador, impacto social e económico e con alto potencial de crecemento, así como aquelas empresas que contribúan ao logro dos Obxectivos de Desenvolvemento Sostible (ODS) marcados polas Nacións Unidas, aquelas que utilicen as novas tecnoloxías nos seus procesos ou procedementos e aquelas que apostasen pola globalización.

Os/as participantes deberán cumprir as seguintes condicións:

- *Ser unha empresa constituída, de conformidade co disposto na Recomendación 2003/361/CE da Comisión, do 6 de maio de 2003, como micro empresa, pequena e/o mediana empresa (DO L124 de 20.5.2003).*
- *Todas as empresas participantes deberán ser de **nova creación ou cunha antigüidade de ata 7 anos** en xeral creadas dende o **01/01/2018** inclusive , **ou de 10 anos** no caso de empresas de **biotecnoloxía** creadas dende o **01/01/2015** inclusive, segundo modelos 036 ou 037 da AEAT.*
- *Non poderán participar **Spin-out** de empresas xa consolidadas que superen a **antigüidade de ata 7 anos** en xeral creadas dende o **01/01/2018** inclusive, ou de **10 anos** no caso de empresas de **biotecnoloxía** creadas dende o **01/01/2015** inclusive, segundo modelos 036 ou 037 da AEAT.*
- *Ter domicilio social e fiscal en Ames*
- *Non ter débedas en período executivo de pago co Concello de Ames no momento da concesión, salvo que o pago das devanditas débedas estivesen garantidas, de conformidade co disposto na Lei Reguladora das Facendas Locais, así como estar ao corrente no cumprimento das súas obrigas tributarias coa Administración do Estado, Comunidade Autónoma de Galicia e coa Seguridade Social.*
- *Non incorrer nalgunha das circunstancias que se determinan no artigo 13 da Lei 38/2003, do 17 de novembro, Xeneral de Subvencións incapacitantes para obter a condición de beneficiario.*
- *Deben atoparse ao corrente de pago das obrigacións por reintegro de calquera subvención ou premio concedido con anterioridade por este Concello.*
- *Non poderán participar no concurso as persoas que formen parte do xurado, así como calquera outra persoa que teña un parentesco en primeiro ou segundo grao con algún membro do xurado*
- *Non poderán participar empresas que fosen gañadoras nas anteriores edicións dos premios Innovames*
- *Presentar unha idea de negocio cun alto compoñente de innovación e creatividade no produto ou servizo ofertado ao mercado. A efectos das presentes bases, enténdese por compoñente de innovación:*
  - a. *Innovación de Produto: introdución dun ben ou servizo novo ou cun alto grao de mellora, respecto a as súas características ou o seu uso desexado. Esta inclúe melloras importantes en especificacións técnicas, compoñentes e materiais, software incorporado, ergonomía ou outras características funcionais.*
  - b. *Innovación de Proceso: aplicación dun método de produción ou distribución novo ou cun alto grao de mellora. Esta inclúe melloras importantes en técnicas, equipo e/o software.*
  - c. *Innovación de Marketing: posta en práctica dun novo método de comercialización ou cun alto grao de mellora que entraña importantes melloras no deseño do produto ou na súa presentación, ou na súa política de emprazamento (posicionamento), promoción ou prezo.*
  - d. *Innovación Organizacional: incorporación dun novo método de organización ou cun alto grao de*

mellora aplicado ás prácticas de negocio, ao lugar de traballo ou ás relacións externas da empresa.

### **TERCEIRA.- INSCRICIÓN, LUGAR E PRAZO DE PRESENTACIÓN**

O prazo de presentación de candidaturas será dende o día seguinte a publicación do extracto das presentes bases no Boletín Oficial da Provincia da Coruña **ata o 20 de febreiro de 2025 inclusive**.

Non se admitirán solicitudes presentadas fora do prazo indicado no parágrafo anterior.

As solicitudes poderán presentarse na sede electrónica do Concello de Ames (<https://sede.concellodeames.gal/eAdmin/Sede.do>). Igualmente poderá presentarse no Rexistro electrónico do Punto de Acceso Xeral do Estado (REG), ao que poderá acceder desde o enlace dispoñible na sede electrónica do Concello de Ames.

Para solicitar á participación nos premios deberá achegarse a seguinte **documentación**:

- **Anexo I** da presente convocatoria debidamente cumprimentado
- **Fotocopia do DNI** da persoa que en nome propio ou como representante da entidade realiza a solicitude
- **Declaración censal de alta no IAE.**
- **Memoria da candidatura:** Deberase achegar unha memoria resumo do proxecto que soporte a súa candidatura. Os candidatos deberán facer constar na súa memoria todas as cuestións que consideren oportunas para a valoración da súa proposta. A memoria non deberá exceder 6 páxinas.
- Deberá achegarse unha **fotografía ou representación gráfica** do proxecto. Formato 1080x1080ppp.

Do mesmo xeito, poderán presentarse as solicitudes, xunto coa documentación indicada, de forma presencial de luns a venres, en horario de 09:00 a 14:00 horas, nos rexistros municipais existentes en:

- Casa do Concello en Bertamiráns
- Oficinas Municipais no Milladoiro

De acordo co artigo 14.2 da Lei 39/2015, de 1 de outubro, de Procedemento administrativo Común das Administracións Públicas, as persoas xurídicas están obrigadas a relacionarse coas administracións públicas a través de medios electrónicos.

### **CUARTA.- CONDICIÓN DE PARTICIPACIÓN**

Os “**III Premios Innovames Empresas Innovadoras 2025**” están concibidos para o recoñecemento, apoio, visibilidade e posta en valor das empresas máis innovadoras, de gran impacto social e con maior potencial de crecemento e de xeración de emprego, en todas as súas formas xurídicas.

Para iso, nesta edición diferéncianse ás seguintes categorías:

1. **Premio Innovames á Empresa + Innovadora ou Empresa con maior Impacto Social** cun premio de **2.000 €**
2. **Premio Innovames á Empresa de Nova Creación (Inferior a 3 Anos) con Alto Potencial de Crecemento** cun premio de **2.500€**

As entidades que queiran participar deberán escoller na súa solicitude á categoría na que desexan participar. Non se poderá solicitar a participación simultaneamente nas dúas categorías.

Para que se poida levar a cabo o concurso de cada categoría, deberán recibirse como mínimo tres propostas. No caso de que non se alcancen o mínimo de tres participantes nalguna das categorías, declararase deserto o concurso para dita categoría.

No caso de que se declare deserto o concurso nunha das categorías establecidas nos premios, na categoría na que sí figuren varios participantes, o premio de maior contía económica (2.500€) será outorgado a persoa que obteña o primeiro posto coa puntuación máis alta, e o premio de menor importe (2.000 €) será para a entidade que figure no segundo lugar coa puntuación máis alta.

A estes importes aplicaráselles a retención do IRPF que corresponda no momento da entrega dos premios

#### **QUINTA.- RÉXIME DE CONCESIÓN, IMPORTE DA CONVOCATORIA E IMPORTE DOS PREMIOS**

A presente convocatoria de premios trátase dunha subvención en réxime de concorrència competitiva, sendo este o procedemento ordinario de concesión de subvencións tal e como estipula o artigo 22 da Lei 38/2003 de 17 de novembro, Xeral de Subvencións.

O importe estimado destinado aos premios previstos nesta convocatoria será de 4.500 euros con cargo á aplicación orzamentaria 4314.47905 do orzamento para 2025.

Importe dos premios:

- **Premio Innovames á Empresa + Innovadora ou Empresa con maior Impacto Social cun premio de 2.000 €**
- **Premio Innovames á Empresa de Nova Creación (Inferior a 3 Anos) con Alto Potencial de Crecemento cun premio de 2.500€**

Total: 4.500,00 euros

No caso de que se declare deserto o concurso nunha das categorías establecidas nos premios, na categoría na que si figuren varios participantes, o premio de maior contía económica (2.500€) será outorgado a persoa que obteña o primeiro posto coa puntuación máis alta, e o premio de menor importe (2.000 €) será para a entidade que figurase seguidamente en segundo lugar coa puntuación máis alta.

Os premios estarán suxeitos á retención fiscal que corresponda de conformidade coa lexislación vixente.

Os premios serán compatibles con outros para a mesma finalidade.

#### **SEXTA.- COMPOSICIÓN DO XURADO:**

O proceso de valoración das candidaturas será levado a cabo por un xurado externo con profesionais do mundo da empresa e experiencia en innovación.

Este xurado terá como cometidos os seguintes:

- Avaliar os proxectos e ideas presentadas.
- Asignar os premios do concurso e elevar a proposta de aprobación ao órgano competente do Concello de Ames.

A composición do xurado publicarase con antelación á emisión do ditame e será fixada por decreto da Alcaldía, segundo a proposta da Concellaría Promoción Económica.

Un/unha traballador/a da Concellaría de Promoción Económica actuará como secretario/a, con voz pero sen voto. Quen exerza de secretario/a levantará a acta correspondente da xuntanza do xurado na que se emita a resolución e se propoñan aos/ás beneficiarias dos premios.

A resolución darase a coñecer durante a edición do evento **Innovames o 7 de marzo de 2025**

#### **SÉTIMA.- CRITERIOS DE VALORACIÓN**

Os proxectos serán valorados cunha **puntuación máxima de 15 puntos**.

Para o outorgamento das puntuacións o xurado terá en conta os seguintes criterios de valoración:

- **Alto compoñente de innovación (6 PUNTOS).** Que o grao de innovación no produto, Proceso, Marketing ou innovación Organizacional cumpra alomenos un dos seguintes requirimentos:
  - Sexa unha innovación total ou parcialmente nova en relación ao existente no mercado
  - Non cumprindo o indicado anteriormente, achegue melloras competitivas en relación aos produtos, servizos ou procedementos existentes.
- **Sustentabilidade.** Grado no que o proxecto tivo en conta factores de sustentabilidade para a elección dos seus produtos, procesos ou procedementos. **(1,5 PUNTOS).**
- **Uso de novas tecnoloxías** nos seus procesos e procedementos (innovación aplicada, dixitalización do negocio, etc). Avaliarase o grado no que as novas tecnoloxías achegan melloras ao produto ou servizo creando vantaxes competitivas **(1,5 PUNTOS)**

- **Globalización.** Grado no que o proxecto ten un enfoque e posibilidades técnicas de expansión internacional (**1 PUNTO**).
- **Impacto potencial na contorna de Ames.** Avaliarase o impacto directo no propio concello, tanto na xeración de emprego, como no aumento de demanda de servizos nas empresas da contorna ou a xeración doutros tipos de sinerxías beneficiosas (**2 PUNTOS**)
- **Presentación do proxecto (3 PUNTOS)** no propio evento do Innovames do 7 de marzo de 2025

Unha vez avaliadas as candidaturas dos solicitantes segundo os criterios anteriores, salvo o da puntuación outorgada á presentación do proxecto, o xurado **seleccionará 8 finalistas (4 finalistas en cada categoría)**.

Os 8 finalistas deberán realizar a defensa da súa candidatura nas diferentes fases dos premios, tras o cal o xurado outorgará a valoración correspondente á presentación do proxecto co fin de obter a puntuación final que determinará a entidade gañadora en cada categoría.

Para a presentación do proxecto, algunha persoa pertencente ao equipo directivo ou socia de cada empresa seleccionada deberá realizar a defensa da súa candidatura no evento **Innovames 2025**, que se celebrará o **7 de marzo de 2025**.

A defensa da candidatura estará composta polas seguintes fases de participación, todas elas obrigatorias:

1. **Presencia no evento:** os candidatos/as deberán participar no evento cun stand facilitado pola organización, no que mostren o concepto do seu proxecto (sen infrinxir dereitos de propiedade intelectual)
2. **Presentación do proxecto:** os candidatos/as deberán facer unha presentación do proxecto tipo Pitch de 5 minutos de duración durante a xornada do evento.
3. **Entrega de Premios:** os candidatos/as deberán acudir á entrega de premios do evento

En caso de non ser posible a presenza das persoas socias ou do equipo directivo, a candidatura deberá ser defendida por algunha outra persoa traballadora ou pertencente á empresa. Se non fose posible contar con representante algún da entidade, a organización valorará en cada caso a posibilidade de deixar fóra de concurso á candidatura en cuestión.

En caso de empate o xurado escollerá, sometendoo á votación, quen será a entidade gañadora entre as empresa que obtiveran igual puntuación.

O fallo do xurado será inapelable e decidirá sobre calquera dúbida que se expoña.

Os premios poderán ser declarados desertos no caso de que o xurado considere que os participantes non alcancen un mínimo de calidade ou de que a cantidade de participantes sexa insuficiente para o desenvolvemento do concurso (mínimo tres participantes por categoría).

#### **OITAVA.-PROCEDIMENTO DE CONCESIÓN DOS PREMIOS**

A presente convocatoria de premios tramitarase na forma de concorrencia competitiva.

O órgano competente para a instrución do procedemento será o servizo de Promoción económica.

O órgano competente para resolver o procedemento será a Xunta de Goberno Local do Concello de Ames, en virtude do decreto de delegación da Alcaldía núm. 1983/2023, de 26 de xuño.

O procedemento de concesión dos premios resolverase nos 3 meses a contar desde a finalización do termo de presentación de solicitudes e a falta de resolución, dentro deste prazo, terá carácter de desestimación.

Contra a resolución de concesión que se dite, que pon fin á vía administrativa, poderá interporse potestativamente recurso de reposición ante a Alcaldía-Presidencia no prazo dun mes, ou ben directamente recurso contencioso administrativo ante o Xulgado do Contencioso Administrativo de Santiago de Compostela, no prazo de dous meses desde o día seguinte ao de publicación da mesma no Taboleiro de Anuncios do Concello de Ames.

#### **NOVENA.- OBRIGAS E RESPONSABILIDADES**

A inscrición no concurso implica a autorización para tomar fotografías e gravacións por medios audiovisuais, as cales poden ser difundidas en publicacións locais, rexionais ou nacionais.

A participación no “III Premios Innovames Empresas Innovadoras 2025” implica a aceptación destas bases.

O incumprimento dalgunha das bases levará implícita a descualificación no Concurso.

A interpretación das bases correspóndelle a Concellaría de Promoción Económica.

#### **DÉCIMA.- FALLO DO XURADO**

A participación na presente Convocatoria supón a aceptación das bases reguladoras da mesma e do fallo emitido polo xurado, así como a obrigatoria intervención no acto da concesión de premios en caso de ser unha das candidaturas seleccionadas como finalistas.

O fallo do xurado será inapelable e decidirá sobre calquera dúbida que se expoña.

Os premios poderán ser declarados desertos no caso de que o xurado considere que os participantes non alcancen un mínimo de calidade ou de que a cantidade de participantes sexa insuficiente para o desenvolvemento do concurso (mínimo tres participantes por categoría)

Pola Xunta de Goberno Local aprobarase a concesión de premios proposto polo xurado que serán publicados no taboleiro de anuncios do Concello de Ames.

O fallo do xurado darase a coñecer durante a celebración do **Evento Innovames 2025 do 7 de marzo de 2025**.

#### **DÉCIMO PRIMEIRA.- INSTRUCCIÓN DO PROCEDEMENTO**

O procedemento de instrución e resolución levarase a cabo polo Departamento de Promoción económica nos termos que se regulan nos artigos 23 a 27 da Lei xeral de subvencións.

#### **DÉCIMO SEGUNDA.- MEDIOS DE NOTIFICACIÓN E PUBLICIDADE**

Un extracto da presente convocatoria publicarase no Boletín Oficial da Provincia de A Coruña, e o texto íntegro poderá consultarse na Base Nacional de Subvencións (BDNS) accesible desde <http://www.pap.minhap.gob.es/bdnstrans/index>.

Todas as publicacións posteriores á publicación destas bases faranse na páxina web municipal.

A resolución do procedemento publicarase no taboleiro de anuncios do concello de conformidade co establecido no art. 26 da Lei 38/2003 de 17 de novembro, Xeneral de Subvencións .

#### **DECIMO TERCEIRA.- PAGAMENTO E REINTEGRO DOS PREMIOS**

O pago realizarase, no prazo e forma previstos, mediante transferencia bancaria á conta que indicase a entidade premiada.

Os premios serán obxecto de retención fiscal de acordo co estipulado na lexislación vixente.

Os premios serán reintegrados nos supostos previstos no artigo 37 da Lei 38/2003, do 17 de novembro, Xeral de Subvencións.

#### **DECIMO CUARTA.- PROTECCIÓN DE DATOS**

O Concello de Ames é o responsable do tratamento dos datos persoais recadados nesta convocatoria. Os datos serán tratados coa finalidade específica da tramitación da convocatoria dos premios e a verificación dos datos achegados na solicitude.

A lexitimación do tratamento está baseada no cumprimento dunha misión realizada en interese público fundamentada na Lei 7/1985, do 2 de abril, reguladora das bases de réxime local e o cumprimento dunha obriga legal recollida na Lei 9/2007, do 13 de xuño, de subvencións de Galicia. Respecto da captación e difusión das imaxes das persoas representantes dos establecementos, a base lexitimadora será o consentimento outorgado polas persoas interesadas no momento da solicitude.

Os datos da subvención concedida e a identificación dos beneficiarios/as serán remitidas á Intervención Xeral do Estado, para que sexan incorporados á Base de Datos Nacional de Subvencións, ca exclusiva finalidade prevista en dito precepto. Así mesmo, en cumprimento do disposto no artigo 16.3 da Lei 9/2007, de 13 de xuño, de Subvencións de Galicia, o Concello remitiralle a mesma información á Consellería de Facenda e Administración Pública, co fin de que a incorpore ao Rexistro público de axudas, subvencións e convenios da Comunidade Autónoma de Galicia. A fin de darlle a publicidade legalmente esixida a este procedemento e en base á Lei 39/2015, do 1 de outubro, do procedemento administrativo común das administracións públicas publicarase a

relación de persoas beneficiarias na páxina web corporativa. No caso de autorizar a captación e difusión das imaxes das persoas representantes dos establecementos, as mesmas serán publicadas nos diferentes medios corporativos do Concello e as súas redes sociais.

As persoas interesadas poderán exercer os dereitos de acceso, rectificación, supresión, oposición, limitación do tratamento e potabilidade, así como a opoñerse á toma de decisións individuais automatizadas, incluída a elaboración de perfís ou retirar o consentimento outorgado, mediante solicitude por escrito presentada no rexistro municipal do Concello (Praza do Concello, nº 2, 15.220, Bertamiráns - Ames) ou por calquera outro rexistro dos establecidos na normativa reguladora do procedemento administrativo común, e na que especificará cal destes solicita sexa satisfeito. A retirada do consentimento non afectará á licitude do tratamento baseada no consentimento previo á súa retirada.

Máis información en <https://www.concellodeames.gal/gl/atencion-cidada/proteccion-datos-persoais>

#### **DÉCIMO QUINTA.- CONFIDENCIALIDADE**

Toda a documentación achegada polos participantes neste concurso será considerada confidencial polo persoal dos premios Innovames e polos membros do xurado que teñan acceso a aquelas durante o proceso de recepción, avaliación e selección de propostas.

Garantírase a confidencialidade das candidaturas presentadas durante todo o proceso. Porén, poderanse difundir as súas características xerais, cando sexa necesario, como o nome dos proxectos gañadores, o seu logo, actividade e principais logros, así como as persoas integrantes do equipo promotor.

#### **DÉCIMO SEXTA.- ÓRGANOS DE CONTROL DAS ACHEGAS CONCEDIDAS**

Os beneficiarios/as dos premios concedidos polo Concello quedarán obrigados/as a someterse aos procedementos de controis ou auditoría que realicen polos seus propios medios ou a través de empresas colaboradoras a Intervención municipal, o Consello de Contas de Galicia, o Tribunal de Contas e calquera outros órganos de control interno ou externo, nacional ou europeo.

#### **DISPOSICIÓN FINAL**

Para o non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeral de subvencións e no seu Regulamento e na Lei 9/2007 de subvencións de Galicia.

### **ANEXO I**

#### **SOLICITUDE “III PREMIO INNOVAMES EMPRESAS INNOVADORAS 2025”**

##### **1. DATOS IDENTIFICATIVOS DA CANDIDATURA**

###### **SOLICITANTE:**

Nome

NIF

Teléfono

Email

###### **EN REPRESENTACIÓN DE:**

Nome da empresa ou participante

CIF:

Domicilio

Localidade

Teléfono

Email

En relación á convocatoria do “III PREMIO INNOVAMES EMPRESAS INNOVADORAS 2025” organizado polo Concello de Ames solicito a miña participación no mesmo.

## 2. PROXECTO

Nome do proxecto:

Categoría á que se presenta:

- ☐ (Premio Innovames á Empresa + Innovadora ou Empresa con maior Impacto Social cun premio de 2.000 €
- ☐ (Premio Innovames á Empresa de Nova Creación (Inferior a 3 Anos) con Alto Potencial de Crecemento cun premio de 2.500€

## 3. DOCUMENTACIÓN QUE SE ACHEGA

- ☐ (Fotocopia do DNI da persoa que en nome propio ou como representante da entidade realiza a solicitude
- ☐ (Declaración censal de alta no IAE.
- ☐ (Memoria da candidatura
- ☐ (Fotografía ou representación gráfica do proxecto

## 4. A PERSOA SOLICITANTE DECLARA DE XEITO RESPONSABLE:

1º.- Que acepta as bases da convocatoria.

2º.- Que non se atopa incurso en ningunha causa de incompatibilidade ou prohibición para ser beneficiario de subvencións das Administracións Públicas, comprometéndose a manter esta situación ata a completa resolución do expediente.

3º.- Que se atopa ao corrente no cumprimento das súas obrigas tributarias coa Axencia Estatal de Administración Tributaria, Comunidade Autónoma de Galicia, o Concello de Ames e coa Seguridade Social, comprometéndose a manter esta situación ata a completa resolución do expediente.

4º.- Que se somete ás actuacións de comprobación e achega da documentación que o Concello de Ames poida acordar.

### CONSENTIMIENTO PARA A COMPROBACIÓN DE DATOS TRIBUTARIOS OU OUTROS CUXA LEXISLACIÓN ESPECÍFICA REQUIRA O CONSENTIMENTO EXPRESO

A consulta dos documentos relacionados a continuación deberá ser obxecto de autorización expresa

|                                                                                                                                                                                                                                                                 |                                                    |
|-----------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------|
| No caso de que as persoas interesadas non marquen o recadro de autorización expresa, deberán achegar os certificados actualizados que acrediten estar ao corrente no cumprimento dos deberes tributarios ou outra documentación cuxa comprobación non autorice. | <b>AUTORIZO A CONSULTA</b>                         |
|                                                                                                                                                                                                                                                                 | <input type="radio"/> SI <input type="radio"/> NON |
| Estar ao corrente de pagamento coa Axencia Estatal da Administración Tributaria (AEAT).                                                                                                                                                                         | <input type="radio"/> SI <input type="radio"/> NON |
| Estar ao corrente de pagamento coas obrigacións tributarias da Seguridade Social                                                                                                                                                                                | <input type="radio"/> SI <input type="radio"/> NON |
| Estar ao corrente de pagamento coas obrigacións tributarias do Concello de Ames                                                                                                                                                                                 | <input type="radio"/> SI <input type="radio"/> NON |

5º.- Que os promotores dos proxectos participantes no concurso (sinalar o que proceda):

- ☐ (Autorizan a difusión dos nomes e características xerais das iniciativas e proxectos presentados no marco das actuacións deste concurso empresarial, así como a potencial realización de entrevistas previas ou posteriores á entrega dos premios e recoñecementos.
- ☐ (NON autorizan a difusión dos nomes e características xerais das iniciativas e proxectos presentados no marco das actuacións deste concurso empresarial, así como a potencial realización de entrevistas previas ou posteriores á entrega dos premios e recoñecementos.

6º.- Que a empresa que se presenta ao concurso non é unha spin out de outra empresa matriz.

### INFORMACIÓN BÁSICA SOBRE PROTECCIÓN DE DATOS PERSOAIS

|                                                                                                                                                                                                                                                                                                                                                                                                      |                                                                                                                                                                                                                                                                                                                                                                                                                                                                                                                                                                                                                                                                                                                   |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Responsable do tratamento                                                                                                                                                                                                                                                                                                                                                                            | Concello de Ames                                                                                                                                                                                                                                                                                                                                                                                                                                                                                                                                                                                                                                                                                                  |
| Finalidades do tratamento                                                                                                                                                                                                                                                                                                                                                                            | A finalidade específica da convocatoria dos "III Premios INNOVAMES EMPRESAS 2025                                                                                                                                                                                                                                                                                                                                                                                                                                                                                                                                                                                                                                  |
| Lexitimación para o tratamento                                                                                                                                                                                                                                                                                                                                                                       | Cumprimento dunha misión realizada en interese público fundamentada na Lei 7/1985, do 2 de abril, reguladora das bases de réxime local e o cumprimento dunha obriga legal recollida na Lei 9/2007, do 13 de xuño, de Subvencións de Galicia. Respecto da captación e difusión das imaxes das persoas representantes dos establecementos, a base lexitimadora será o consentimento outorgado polas persoas interesadas no momento da solicitude                                                                                                                                                                                                                                                                    |
| Destinatarios dos datos                                                                                                                                                                                                                                                                                                                                                                              | Base de Datos Nacional de Subvencións, Consellería de Facenda e Administración Pública, co fin de que a incorpore ao Rexistro público de axudas, subvencións e convenios da Comunidade Autónoma de Galicia. A fin de darlle a publicidade legalmente esixida a este procedemento publicarase, a relación de persoas beneficiarias na páxina web corporativa. No caso de autorizar a captación e difusión das imaxes das persoas representantes dos establecementos, as mesmas serán publicadas nos diferentes medios corporativos do Concello e as súas redes sociais                                                                                                                                             |
| Exercicio de dereitos                                                                                                                                                                                                                                                                                                                                                                                | As persoas interesadas poderán exercer os dereitos de acceso, rectificación, supresión, oposición, limitación do tratamento e potabilidade, así como a opoñerse á toma de decisións individuais automatizadas, incluída a elaboración de perfís ou retirar o consentimento outorgado, mediante solicitude por escrito presentada no rexistro municipal do Concello (Praza do Concello, nº 2, 15.220, Bertamiráns - Ames) ou por calquera outro rexistro dos establecidos na normativa reguladora do procedemento administrativo común, e na que especificará cal destes solicita sexa satisfeito. A retirada do consentimento non afectará á litude do tratamento baseada no consentimento previo á súa retirada. |
| Contacto delegado/a de protección de datos e información adicional                                                                                                                                                                                                                                                                                                                                   | <a href="https://www.concellodeames.gal/gl/atencion-cidada/proteccion-datos-persoais">https://www.concellodeames.gal/gl/atencion-cidada/proteccion-datos-persoais</a>                                                                                                                                                                                                                                                                                                                                                                                                                                                                                                                                             |
| <input type="checkbox"/> <b>Autorizo</b> o tratamento dos datos para a captación e difusión de imaxes persoais nos medios corporativos do Concello especificados no epígrafe dos destinatarios<br><input type="checkbox"/> <b>Non autorizo</b> o tratamento dos datos para a captación e difusión de imaxes persoais nos medios corporativos do Concello especificados no epígrafe dos destinatarios |                                                                                                                                                                                                                                                                                                                                                                                                                                                                                                                                                                                                                                                                                                                   |

Ames, ..... de ..... de 2025  
Sinatura do/a solicitante

E para que conste, para os efectos oportunos, expido a presente co visto e praxe do alcalde, en Ames, a 06.02.2025, e coa advertencia de que non foi aprobada aínda a acta da sesión correspondente.

Vº e praxe  
O alcalde  
José Blas García Piñeiro

A secretaria  
Rosa Ana Prada Queipo